

出塞集



12250

出塞集



曩者

國家有準噶爾之役命將征討其自



張家口至軍營二子餘里間置臺站
四十有九以通斥堠傳羽檄初武臣主
之役以文臣之獲譴者注理厥務蹠
曰坐臺用不譴罰今

上登極準噶爾畏威臣服六師偃息
裁為二十九臺又憫諸臣久役立三年
期滿得代或念遺非其罪仍叙勞
績予錄用且不次

恩至渥也然各臺近起塞垣遠抵
絕漠皆空無人烟迄有水草壘土覆

茅穴坯出入陰風晝號朔雪夏飛
內地粟麥茶瓜酒餌之屬大力者百倍
其直乃克致不則飢饉良青糶渴飲
潼酪曉暮但聞羊啤馬嘶不聞鷄犬
無論啼鳥至其地者雖磊落自喜
之士無不消沮蕭瑟盡喪其生平其

二

年少氣盛負其所有則激烈感慨為
叫號不平之鳴人情乎無足怪者余
同年靈子抱孫山左名士擅詩歌通
古今其扶理治事如昆刀切玉庖丁解
牛穎銳精卓無難之若紀家進士
不十年由縣令而府而道而至兩淮運

使歷有殊蹟淮高留驕蹇疾其怒峻
利不能動則中以蜚語致被誣去官而
有坐臺之行祿被蕭然遠設窮塞
其佗條無聊宜何如者乃得代入都
出其止塞集示余讀之甚若夏雲
爛若春葩聲夏金石既無消沮蕭

三

颯之狀而公無不平之鳴異矣昔昌黎滴
潮陽有雪擁藍關之句氣象一何莽
索耶子瞻被放後有但願生兒不
識字無災無難到公卿之語幾於怒
罵矣今抱孫之出塞諸作未嘗不跌
蕩愴慨而不失溫柔敦厚之旨固抱

孫之工於詩抑其器量識度有越尋
常萬一者哉抱孫之歸自喜也

天子察其才授以州牧逾年遷永
平太守夫永平方廬龍重鎮也襟山
距海長城齒列灤河帶繞為歷代
門戶鎖鑰要地我

四

朝起自遼陽茲郡遂為堂室朕
其形勝之壯故足當豪士之胷而
豈其雄傑之氣抱孫坐隅之餘
俯仰登臨浩歌閒化迴思孤踪絕
域磧暗吐黃茄清月白得毋轉有
豎然而魂銷者乎

乾隆十有一年歲次丙寅年弟妻
東沈起元謹



余不解古今之天於英奇磊落雄文鉅筆之士不
宥聽其御安車騁康莊往往故爲索蕭之困繫之
使之鬱邑而不能自伸庸耳俗目將疑其一跌不
復振亦旣已甘之矣未幾而袞塵蹀升雲霄所謂
藻耀高翔日晶玉朗者猶夫初也曩時相苦何心
哉今夫山坦然而迤也無凸凹則無峰巒矣水渟
然而平也無風石則無波瀾矣意者人生安常處
順衍衍而吟酣酣而歌遇山言山而已遇水言水
而已風雲月露吻相衍而色味陳天若曰吾其有
以礪之礪之而其氣益摯其才益適其識趣益廣
遠而深粹其文章之宇宙乃開闢而一新則吾觀
於雅雨山人出塞一集不覺仰天而笑悠然有悟
也先生操如椽之筆主盟壇坫者三十載歷宦屢
擢其政績之敏練廉正播在朝野者不具論吾第
言其詩夫天之曩時所以位置先生者未嘗不佳
且稱也潁川揚州是廬陵眉山兩公酒香墨瀋流
連蘊藉之區而先生踵之宦潁而西湖櫛沐出焉
宦揚而平山堂氣韻森焉四方名宿懷文抱道與

夫一技一能之士奔走若赴玉帛敦盤之會曰歐蘇復出矣先生政事之暇卽與諸君擊鉢刻燭飛箋酒翰於山亭水榭之間諸君或欽手懾氣先生顧謙讓不遑適館餐者樂忘踈度無不傾囊倒篋而贈也旣註誤被吏議奉

詔

戍臺自揚抵都余與先生固聞聲相思久是時乃把晤於宗弟思山邸舍尊酒傾平生歡持出塞圖索題意氣瀟灑無幾微遠行離別意明日馳馬去經年斷消息思山瘁於官隻身客死母老無子先生在外聞而哭之以詩特寄余其音至悲余故和之曰詩哭九原無寄處書來萬里弔相知以此徵先生友誼淳篤其所爲詩發於性情者爲寔真也越三年甲子蒙

恩

賜環相見問無恙外卽出其塞外詩見示曰君其爲我論定之余反覆讀之其氣摯抑何淵以和也其才適抑何超以曠也其識趣之廣遠深粹有流露於語言之外者則讀易之功也淵和頽歐超曠頽蘇至其所歷白草黃沙夜笳秋馬之荒涼則夷

陵儋耳之所無豈非天之另闢一境以位置先生而誘其詩也歟先生卽不出塞居長安中仰屋看書三年猶一瞬耳而所得若此豈獨天成之抑亦君王之德也歟于今

聖主鑒其公忠朝野欽其練達一州之牧信非鸞鳳所棲以望卜之方面節鉞之寄其不遠矣顧吾不知所謂滌耀高翔日晶玉朗者先生詩境又將何如也桐城同學弟馬樸臣拜頌

乾隆庚申公駐維揚治裝出塞適予甫自遠歸枉駕草堂越日治具相招屬製贈序重九出塞辛苦抵臺除夕前一日而臺上報章已至公萬里投荒顛頓不自保顧傾注於予若是癸亥長至承

恩賜環旋有灤州之命予今春計偕入都相望五百里欲會未由秋杪晨起聞剝啄啟戶見公驚喜特甚別離六稔髣髴不改色和而氣壯忘其從龍沙雪窖中來而顧予則既老矣已而手一編示予曰塞上烽靜戍政寬閒因得一意玩易而性耽筆墨

往往根觸微哦屬朋好時來唱酬久之不覺成帙君其爲我擇之予迴環雜誦行間字裏遠不忘

君履險如夷始終一節方庶幾無咎無譽質四聖于

荒煙白草之墟其於雕章琢句也何有於苑枯身世之感又何有昔子美秦州以後諸作視前益竒子瞻和陶華妙精深亦多得之解外境變則思玄地偏則神澈今何渠絕遠於古讀是集者試以此意求之時乾隆乙丑九月下弦廣陵治晚生馬榮祖拜誤于燕臺客舍

雅雨山人出塞集

德州盧見曾抱孫氏著

承

恩出塞留別揚州諸故人

解網深仁且莫論孤臣猶在識

天恩三年便許朝金闕萬里何辭出玉門沙暗陰山

秋獵壯雪明瀚海夏裘溫多情應信揚州月直送

征輪到塞垣

題江秀才賓谷擁書圖

出塞戎塗賓谷同諸生就寓話別出擁書

雅雨山人出塞集

卷一

一

圖索題余已投筆謝應酬矣顧才如賓谷不可無一言以別也受而攜之吳門舟次

錫山題句如左

不愧為君題此圖九邱信已富鴻儒黑河西去龍

沙路輿記還收艱架無

題徐式孺方伯玉山特立圖小照

歷官聲譽徧長安特立如君覺更難直與巉巖爭

磊落還教冰雪讓清寒里謠久詫龍圖近異相應

從麟閣看骨格不緣天付與品題爭得重 金鑾

公以郎官侍從

世宗嘗顧之曰

爾骨格重

將母三辭

鑒至誠旬宣強起慰蒼生惟憐

恩重功難稱豈羨名高宦易成幾郡流亡纔撫集何時官吏共澄清自從求莫臨江左白髮新看添數莖

題閔虞端閒日愛重九圖

曲徑疎籬幾共醺那堪萬里獨離羣龍沙到日逢秋老不見茱萸定憶君

雅甫先生集

二

題高秀才秋軒蕉牕讀易圖

學易于今正假年那能倚馬叩真詮穹廡願乞蕉窗本如共研朱在綠天

過天寧寺贈退院僧詠堂僧戒律精嚴尤工於詩

名利伊蒲說上乘幾年瓶鉢冷傳燈也知十笏無常主退院偏逢苦行僧

出關謝夏徵士襄宸襄宸六安州人徵博學鴻詞不就時省予于揚

州遂同出塞之行

八月關河東早成那堪負笈更從征三徵尙却連

城聘一諾偏輕萬里行
鬻雪苦寒應漸慣
籌邊形勢自分明
遙知毳幕橫
經夜輟誦還聞擊劍聲

九日出塞寄同學諸君子

轉向同羣誇壯遊
誰從絕塞騁驂驪
詩纓羞愧終耶少
投筆難量班仲侯
沙立成山雲擁護
雪明如水月綢繆
題糕漫羨茱萸會
爭似合圍椎大牛

過第三臺讀戶曹溫九公子潤齋新詩

寒幕披吟興轉加
停編已見月輪斜
淒風偶入胡笳拍
湛露終回上相家
何憾六旬仍異域
尙憐三

雅甫山人出塞集

三

舍近中華西過杭靄山

山名

如逢雁乞帶鄉音
到海涯

雪

大漠風交疾
陰沈雪亂飛
手僵常散轡
淚凍不霑衣
投宿身何所
兼程計又非
平生憎獬犬
轉怪吠音稀

望燕然大青諸山

大青山名
君墓在焉

毛衣革帶學戎裝
弓劍隨身米載囊
浩浩風雲亘沙漠
蕭蕭馳馬入斜陽
碑傳良史殘
仍在骨表名
山朽不妨欲酌燕
然弔青塚
劇憐歧路枉徬徨

青冢

尺土誰封樹孤墳爾獨傳死難忘內地生已戍窮
邊極大山圍鬣長青草滿阡未央宮畔月曾得幾
時憐

蒙古包

塵眼編籬鉢蓋圓瓊圍重匝禦風便莫嫌扇戶長
如夜屋漏分明對上天

馬通

乳造屠蘇著異功渤尊本草效誰同樵蘇路絕水

雅雨山人出塞集

四

墳竈德頌還應上馬通

過瀚海

龍沙迴望更霑衣樹別兼旬鳥見稀惟有頑山時
外向曾無活水不東鯨龜屯犬靜笳飛怨草鋪燈
昏雪打圍宵寐難成成莫醒夢行定不肯朝暉

所見

毳幕親炊客如雲舊有徒忍防心膺變頓覺氣頓
祖眠起憑遲早董辛問有無愛才原曠代那便望
常奴

途遇赫致遠臺長乘傳先行過汎占贈
纔接星軺望早迷儘驅饑馬步難齊
東沙轍碾明如晝日印雙輪到海西

無酒歎

昔年曾讀太白五月天山詩無花有雪今信之無
花那用詩千首有雪湏澆酒一斗平原舊謔慚督
郵我家平原嶺上頭似聞尙書何麴部何但從事
堪青州蟹肥菘卷霜葉落酒天家家開畫閣傍籬
但許菊分香浮月還疑水錯著當筵發令誰最狂

雅甫人出塞集

五

絲竹肉競少年場樂府脫手神飛揚雪兒按譜諧
宮商尾聲往往催巨觴宦海罡風落鬼國萬斛量
愁愁尙溢白酒酷辣死杜陵我命猶長幸不得我
聞名將投醪史所錄酒誥何用軍中讀或云火藥
重邊防防微令甲仍舊牘君不見北風幾日獵白
狼大家洗銃裝硝黃

先達爲予戒吟予感其意而未能從也仍賦

詩以謝之

憐才雅意錫良箴再拜書紳重繹尋久悔踈狂因

戒酒原無懟怨未妨吟三遷

恩重呼天淚萬里鄉遙蓄雪心此際此情逢暖雁那能緘默向知音

五十一歲生日

壯志難銷老更堅况看鬢鬢尙翩翩平分百歲纔初度擊唾何由感暮年

瘦骨峻嶒鏡態非那堪穿著轉痴肥氈裘椎髻胡屯長舊客猶稱老繡衣

介壽華夷共此情胡笳爭勸奏新聲也知吉調無

雅雷山人出雲集

六

悲怨絲竹年來那慣聽

囊底猶餘未盡才如流歲月莫空催南歸待問

皇都雁宏閣春深幾度開

廿八臺謁趙大司空

公撫督江南日子嘗四登薦剡遇知最深

誰令耆舊遠投荒八杖追隨憂轉忘一字褒猶垂世廟百年澤已遍封疆穹廬雅稱孫宏被獨夜堪焚檠

抹香 盛代烽閑寬戍政不妨問字載壺漿

讀司空新詩

韓窺潮陽日蘇窮儋耳時温醇偏進格曠達故相

宜舊業江湖在孤忠天地知靈均空善怨拊擋是
吾師

立春日示褻宸

請看冰窖轉春光雪麗山明午倍強書費精神權
拊擋詩關感慨莫思量平沙緩步談偏好羶屋圍
爐醉不妨記否江南好風景印牀纔鎖馬蹄忙

祝大司空

正月二十三日

何期華祝際夷疆十挺親攜笑舉觴猶奉楊公四
知在未慚陸氏一莊荒下弦月昃仍通晝良觀春

雅甫山出寒集

七

新莫憶鄉

聖主頻聞徵舊劍會看附鳳起朝陽

廿九臺謁富中丞

公巡撫河南日子方轉運
兩淮淮鹽兼行豫郡蓋外

屬
云

怪來紫氣滿窮邊躡次羶廬拜大賢淮海轉巖原
外屬嵩邱攬轡正中天五疑真見虞刑允

公以爭
疑獄罷

職
八議寧忘周制傳况是倚閭頭早白烽銷何事

尙遷延

遙酌何太僕溥同年

王師襲準噶爾于噶鉢洞
公諫甚力兵敗死之事

聞贈

報國寧憐戰骨橫
痛心上將蹶驍輕
白登已匿乘
秋馬好水仍驅馘
夏兵尙憶聞雞探
秘畧果然斷
朔屬書生同方後
死空蒙垢榮卹
還兼悼舊情

鄉客過臺寄平安口信

遠信遲封封復開
每因家累重徘徊
何如萬里無
家日兩字平安口報來

哭馬十七墨

公同門進士榜下有南馬北
盧之目及爲江常鎮道于正

稚甫山人出塞集

八

轉運揚州時
得因公過從

詞壇霸業煥遺文
矯首乾坤一痛君
長塞饒笳孤
北鄙中原旗鼓失
南軍擁旄幾共邗
江月晝鐸常
輸羌笛雲從此
天涯同調盡
淒風斷雁不堪聞

午日

胥江五度天中節
潮蒸欲來氣先閉
大漠天空野
雀閒却對清涼憶
炎勢何處鬪
草與浴蘭幾人賜
扇還貢帖我亦循例
祀靈均空購黏米
無菰葉
和襄宸中秋夜喜司空見過

依然蟾兔駕冰輪極目寒沙皎更新正擬開尊酌
令節恰聽嘶馬駐佳賓茵連夷域三年侶萍合天
涯萬里鄰小聚極歡同一醉那教滿月照愁人

九日

驚心節序又重陽萬里憑高斷客腸胡雁有家仍
向暖岫雲無繫自還鄉龍沙不預觀兵曾黃菊空
傳進御章遐想崔林殷七七曾令望帝發秋香

移駐察汗烏蘇馬上口占

行窩馱載一身輕喜背風沙向日行莫笑移臺無

雅雷火出塞集

九

好處東歸已少第三程

送司空還山

賀公叟鑠據歸鞍不死龍沙風雪寒到此纔知臣
罪重餘年敢忘

主恩寬已無絲水疑巢父容有蒼生望謝安帷幄邊
机重召對漢家振旅不爲難

豈應聞喜轉生悲無奈恩深重別離億萬人中曾
識我五千里外更依誰荒烟爨冷分甘地胡拍聲
殘祖道時此去桑榆但尋樂不須根觸寄相思

送襄宸歸視妻病兼候六安諸故人

萬金信至轉憂疑，悔別真應惜屢屨。病已傳書人在否，行從今日到何時。龍沙一去休回首，鳳閣重逢但及期。相見故交煩問訊，報函難遍愧先施。

五十二歲生日

漸慣騎乘病也痊，可知命合戍窮邊。當時若放還家去，扶杖于今已二年。

科名早掇愧囊螢，白髮休憐負汗青。若向龍頭較梁灑，還餘三十歲窮經。

雅雨山人出塞集

十

神明眼耳獨相關，齒任凋零髮聽斑。底笑坡公稱解脫，寫真却欲記衰顏。公詩五十之年初過二衰顏記我今如此

去年此月纔臨戍，又小陽春歲一週。兩度懸弧今

勝，昨醉鄉新爲築糟邱。

窮廬無酒遠購乃得

款襄宸

此後愁思更告誰，那云別淚不須垂。歡同抵掌排憂日，病憶連床問苦時。待伴空憐聞雁早，思鄉莫怪贈鞭遲。冰霜照眼綈袍薄，不敢畱君只自悲。

謝富中丞贈荷包新書

百摺雙囊內樣裁拜攜還爲一徘徊垂紳倘欲尋
宜稱須有金魚入佩來

但許出行寧避忌只今移徙摠屯邇開書獨愛翻
頭頁依舊還逢不聞年

瓶花歌

年年四月雪飛沙今年早煖青周遮童兒採花喜
向我爲道吾鄉萱草華天涯老夫細看審非是開
紅散紫何其嘉况我貯藥有瓷器軍持比似無爭
差插花取致吾寤解要得勢如臨風斜俄頃裝成

雅雷人出塞集

七

供几案瓊廬頓覺生光華托腦

瓊廬頂名便舒
卷以通天光晚

開蟾吐豔烏得

簾

蚤卷蜂叅衙載帽女兒花不愛

亦復向我稱蘭奢乃知人情徇位置晴則泥土升

雲霞清晝對爾攤書卷往往癢得麻姑爬便須浮

白發豪興擊鼓自作漁陽搥故山小圃幾爛熳風

光絕好今誰家一室有花兼有酒那能萬里思人

遐忘憂名萱笑浪得移贈惟爾非虛加我聞張騫

使西域安石一種開萌芽我今攜爾入中國何獨

阿醋稱竒花葩有神靈解人意風來翩反如矜誇

花既爲我舞我歌還代花西頭一漢留琵琶東頭
一漢留胡笳妾今拔地去何異登雲車君不見姚
黃天子魏紫后宥教妾老呼韓邪

贈蔣蘿村臺長

台背龐眉雪滿顛真從圖畫見癯仙連臺不少助
兼貴美壽誰登大耋年

賜環杖國尙鳴騶

雍正間公以黃州守
謫戍起用長蘆運使再戍仍淹莫

怨尤不是遐齡天厚錫可能重度塞春秋

大漠嚴寒老怎禁裂膚風起雪森森已知裘帛君

雅甫山人集

七

差給猶繫非人不煖心

南北司離富貴同又同語伍比鄰中黃粱熟久還
痴夢餘算求同老塞翁

哭馬員外思山

耗聞萬里駭還疑強作訛傳思轉悲原恨聰明偏
折算豈應富貴又能詩玉樓那便乏英妙黃土生
教埋可兒底怪陽關彈別酒杯殘便是訣君時

附錄思山題出塞圖送別詩

無爲兒女態戚戚傷別離丈夫志萬里忼慨從

此辭黃沙迷空朔風起玉門關外燕支紫軍營
夜靜邊月明寒笳一聲天似水燕然勒功報天
子孤臣之心鎮如此渭城一疊傾一杯故人遠
戍單于臺馬蹄目斷休徘徊草青三度當歸來

哭亡弟昭曾

從今永永見無期萬里哭君君可知記得臨行曾
抱首當時猶是痛生離

志向窮經視欲穿科名無分獨堪憐人生百歲君

三一疾病消磨二十年

雅甫先生集

三

長寐何能起夜臺招魂惟與夢徘徊却愁魑魅龍
沙地泉路茫茫怎到來

接兒謙來書寄之

萬里經年書到新開時轉笑費魚鱗料來狼狽原
應爾便說平安那當真羸有經遺惟篤志錐無地
立莫愁貧天心復後觀臨秦凍破梅梢却是春

卽事寄襄宸

質疑誰遣失同方對擁寒衾夢未忘乍覺不知人
去久呼君猶自向空床

酬司空見寄

唱咏鴻章展笑嚙未嫌福命薄前因官休偏許添

詩况身竄還容依上聲漢書依東宮之尊大隣涇渭分原憑

信史馬牛呼那怪時人受經願附彭宣後荒塞何

愁負好春

杖靄竹枝詞獨夜無聊偶憶劉夢得朗州竹枝戲效其體每得一事即拈一

韻每歌一闕即浮一白甫成十二首已陶然醉矣更賈餘勇作末首以結之

正朔欽遵賀歲新佛天叅罷拜周親出門禮數先

臺長哈達高擎道塞因俗以素帛獻尊長名口哈達塞因其請安之詞

舊火出塞集
十四

不宿春糧不裹糧但逢烟火便充腸家堂有禁君

湏記下馬投鞭好入房俗無宿店但遇人家皆可宿食以持馬鞭入房為禁

對對阿籠穹廬以馬通為柴阿籠其取之之具也馱馬鞍樵蘇及早

莫盤桓月闌日暈曾先覺準備連朝蘇魯汗風雪天白

蘇魯汗

早聞邊禁重硝黃火器何年慣此方雪淺草肥驍

馬健大家爭賽打黃羊

窄裘稱體鉅環垂辮髮披肩側帽宜馬上昭君從

瞥見笑他畫史貌闕氏

驅馬牽羊載酒尊委禽禮物劇闐喧雙環却閉緣
何故要待阿翁親款門

納采日必親翁跪
門女家乃出迎

錦韉迎得女如花驍騎兒郎莫浪誇腰裏一雙齊

縱轡看誰先到阿婆家

親迎將近則夫婦
爭馳以先到爲采

交配陳朱愛一門外家行輩莫須論何年爲教周
公禮同姓于今不議婚

炎夏朝寒似晚秋說來花木總關愁那知春色曾
偏到枕靄山青發繡毬

邊郵傳檄欲生風驛長無如此地雄二十九臺分

雅甫出塞集

五

兩部南頭司馬北司空

海幻蜃樓誇異觀誰知山市等波瀾崢嶸臺閣歸
何處纔供閒人一霎看

最好攤書儘閉關太平邊戍但愁閑畫圖倘欲傳
清况五月披裘雪滿山

瘴雨蠻烟舊有詞武陵夷俚悉歌之侏離風境僮
俾調好拍胡笳唱竹枝

中山狼和司空

狽原非種惡偏濟豺豈知音嗥恁狂解諱負恩恩

未負中山還是古時狼

雙瑞蓮

司空起用還朝過臺止宿卽席製滿江紅詞留別旣歌以盡歡因引調爲

冊以獻

合今宵樂醪是祖道同羣彈冠邊戍燈花煥彩那
更月明通曙聒耳胡笳休拍密促膝別情深訴應
記取霜髭雪磧荼甘薺苦還愴萬里分飛聽班
馬頻嘶銷魂如塑差排好夢馳傳隨公回去帝里
薰風吹暖倚絳帳盍簪星聚雞喚覺簇起一番離

緒

雅南山人出塞集

六

靜觀

果然廣大屬空門一悟能消百妄根簡汗恢張猶
底事電光焜耀又何論雉爭垓土蟻交戰陋坐井
天蛙自尊那識和柔通慧後靜觀別自有乾坤

生祭蔣蘿村文

先生之壽七十有七先生之壯如其壯日先生曠
達不諱其卹先生有教乃載之筆先生書來示我
云云昔同轉運與君爲寅今同謫戍與君爲隣我
欲生祭乞君一言僕謝不敏非甘懶惰詎老呪生

毋乃不可既而思之公非欺我辱公之教奈何弗
果爰卜吉日乃駕黃驪羔羊蒸炙酪酥淋漓乾餼
審酒載馮載隨造廬展笑大放厥辭昔公早達久
食天祿遭際堯廷達聰明目詎乏名猷而登憲副
有其志之非僕所錄僕識公晚盖始投荒過公信
宿示我周行拜辭黃耆既感且傷何以圖報祝壽
而康今年聞公報三周歲憶公語我軍臺有制諸
弛刑徒考績爲例瓜代爲常喜而不寐何期命宮
磨蝎流連

雅甫山人出塞集

七

帝聞臣罪未聞臣年草霜風燭能否再延馭指裂膚
禁否再殘有死之心無生之氣僕忝同羣敢忘敦
慰言之違心聽之無味破涕用竒于是乎祭世之
祭者羅列鼎牲豈無醑奠誰進一觥豈無呼告誰
應一聲禱爾曰誅莫若及生我聞設臺防厄魯特
雪山爲窟師老難克鬼能爲厲殊便殺賊生不如
人死當報

國我聞西域佛教常新恆河沙數皆不壞身此去天
竺無間關津一靈不昧便入法門我聞閻羅卽包

孝肅其家廬州僕曾爲牧牧不負神神應電矚爲
問年來神頗憶不我聞冥司分隸城隍我輩頭銜
頗與相當定容抗禮謙尊而光豈如井底妄肆蛙
張我聞此地李陵所竄苗裔及唐猶通祖貫游子
河梁妙絕詞翰地下相逢定非冰炭我聞歸化葬
古昭君青冢表表血食爲神乃心漢關同鄉是親
死如卜宅請傍佳人凡諸幻想謂死有覺有覺而
死不改其樂若本無知何嫌沙漠滄桑以來誰非
委壑公曰信哉君言慨慷君浮我白我奉君觴飲
旣盡興食亦充腸飲食醉飽是爲尙饗

雅甫人出塞集

六

五十三歲生日

上壽纔能滿百年分陰怎浪擲從前只今積日通
盤算已漫開除萬九千

髮短真憐運易窮據鞍却憶古英雄十年但建乘
時業還是明廷矍鑠翁

伏波據鞍年六十三歲

命躔磨蝎竄應當也有流干異咎祥同歲同宮兩

夫子一知貢舉一朝陽

韓貶潮陽蘇知貢舉皆五十三歲

那將愁思重填胸且喜瓜期歲外逢飽噉羝羊酣

窖戰

俗以馬乳爲酒曰戰有哈喇戰合羅戰等各窖久乃醇

懸弧又度第三

冬

咏史

漢家都護建麾傳檄風生百部餘銅柱已聞歸
汗馬金章應不假莎車膽消竄虜威何壯傳走降
酋計未踈莫爲玉門愁定遠左賢原自樂華胥

聞蘿邨製爐餅戲贈

紅綾裹

賜記香含屑玉泥銀却未諳禁苦倘憐同肺病不妨

雅雷山人出塞集

十九

四破一分甘

分餅送劉百朋臺長

餽飢新從折柬分果然甘美異羶葷怪逢餐侶偏
塵甑置半封纏却送君

長歌行送蔣蘿邨歸里

孟夏入閩風解寒送君歸去開我顏君昔轉巉燕
趙日我亦督運淮揚間南北同僚不相識却從諳
成頗追攀我年六九衰已甚君長兩紀宜其孱孤
臣投荒無老病不比氓庶霑恩寬遺矢廉頗縱善

飯飴魅絕倒輕工官薄言往愬臺與部心知不可
登聞難雞筋已辦狸口食鼠穴那夢刀頭環豈謂
緹縈奪男舍九閭一叩開籠閑乃知造物本平等
屯膏不下非天慳我爲加額喜還嘆孝子牽袂何
痛酸忼慨一歌君進餐生歸鄉井死蓋棺埋骨况
是青青山

荅揚州諸故人問近况

故交萬里問邇屯底事何堪愬羽鱗無葯能醫纔
是病有錐可立未爲貧酒踈臟腑愁常在雪上髭

雅甫山人出塞集

二十

髭老漸真惟有揚州舊明月關情不改曩時新

已息烽烟脫劍囊穹廬那更負吾曹草漫廣漠遙
遙碧雪長平巒月月高無碍研朱點周易有時把
酒讀離騷惠州蘇軾湖州愈荒島何曾減舊豪

謝劉百朋臺長送鎮江醋

穹廬兩事眠與餐黃梁一飽遊邯鄲出入九重要
十艾麾斥八極騷三鸞誰歟抱瓮輕剝啄傴僂而
進容肅端猶疑身在華胥界麻姑送酒來仙壇開
扎纔知君意厚爲柔葱薤平病肝我昔擁旄貢形

虎頰與醯人同職官醯人長賤鹽人貴推尋此故
時嗟難雖然富國無近效和羹大用誰能刊雅愛
京口傳秘製風味不減桃花酸舊遊棖觸一回首
關山萬里江漫漫問君非乞非自造何以得此於
呼韓名流耽癖空好事報書一笑君須看既無美
膳實金鼎又無生菜調春盤縱云鼻吸三斗爲宰
相但覺吾輩骨格殊清寒

汪履方道人自揚州從予出塞且三年矣今
歸省其師口占送之

雅甫山人出塞集

三

桃花潭上水潺潺戀客情深詩早傳更有汪倫能
送遠八千里外住三年

病

斷飲空房寂勝禪何期災晦轉纏綿死應順命原
無畏豎敢欺人却可憐讀徹兩妨惟曠口炎涼倏
變不由天金莖臺迥相如渴狗監無交但惘然

劉百朋孔竹廬兩臺長相約過我遲久不至
戲柬長句

北臺已次劉伯倫南臺又到孔巢父劉郎帝胄孔

聖裔陋我寒宗不足數地各一角天一涯結鄰却在流沙西若疑此境爲夢幻亦如鼠穴紛輪蹄兩君相思未相見謂我居中道里便小聚書期孟夏初芒種已過仍留戀緬維學道奈元綱庶幾一切能坐忘不然長日無風雨何肯閉置耽淒涼或者聞我不飲嫌獨醒豈知我尊未空常酪酏問字雖無草元翁載酒之例却可引

註易

篝火研朱夜每深敢將分寸負光陰寬閒

雅甫出纂集

三

帝與消災地憂患天開學易心鴻漸陸時終有用魚當貫義却難尋杞中但有包瓜在泥井何須問舊

禽

柬劉百朋同天中節

艾草先生不解語剪舌鳩鴒那可觀髯翁不凡何處來天遣穹廬迭賓主故人贈別畫寫生萱草榴花紛欲吐知君善射不題糕作意還爲具角黍

湘水行

君子異代人爭美君子同朝人爭毀能毀君子爲

小人是爲小人而已矣君子矜名節小人工醜詆
羅織極帷薄譁張亂朱紫君不聞湘水之清清徹
底一朝鼎沸汚人耳真德秀乃真小人魏了翁爲
僞君子

和劉朗陵節使雨中過徐乃大將軍署樓小
飲同花層峯揆仁菴兩主政

萬里憐嘉會牙門冒雨過花從荒徼艷山入小樓
多殊境開新畫哀顏復舊醜那期臨絕域酬唱得
高歌

雅甫山人出塞集

三

故態狂奴在相逢况酒豪真儒容酒落名將解風
騷有地皆千古何人不二毛須令說杖靄高宴屬
吾曹

賜環紀

恩

便脫囊韃趨

紫宸那禁聞喜不沾巾春回瀚海

恩誰料罪釐南山牘尙新薰沐宥教留底垢拜颺何
以荅高旻冰霜歷盡丹心壯願致投荒一葉身

贈畫別百朋

庚申出塞膠州高西園同學于邢江以五寸冊寫故園花

十幅爲穹廬之玩百朋見而索之今蒙

賜環題句以贈

圖花贈別遠情俱轉贈還知別意無從此相思通
萬里我看花日子披圖

奉和劉朗陵節使送別並謝厚贈

絕域離羣轉是歡那曾別泪宵輕彈雲天萬里關
情處獨有憐才舊上官

同升舊德應難報異域新施未厭頻窮塞還車偏
富有元狐寬帽白狼茵

雅南山出塞集

五

謝花層峯主政贈馬

三年望

關夢難通迢遞郵程四十中攬轡忽教長塞近故人

新贈玉花驄

別饒南寧新臺長

君來我去太匆匆抵掌通宵話未終底怪臨行餘
懊惱不會一語慰飄蓬

二十二臺別孔竹廬臺長

歸程箭發尙勾留抵掌如君那便休前路逢人應

見怪還朝客亦帶離愁

二十臺別蔣生韶年

生蘿村公子代父
戍軍臺從予學易

多君立雪叩墳邱半載磋磨願豈酬贏得他年傳
故事授經却在海西頭

解劍贈沈兗州出塞

使君謫戍問穹廬萬里提戈亦丈夫都護三臺小
會長平交四部大單于羊肥如馬憑蒸炙草碧連
天儼畫圖戰地新來無可贈相逢先爲解錕吾

雅甫夫子出塞集既成命甲繕寫以付剞劂甲受而讀之遠而不忘思而不困若歐陽文忠之于夷陵蘇文忠之于儋耳其遇同其才同俱以寫其慘憺望闕之沈非夫騷人謫宦悒鬱無怙者之所托固宜忠勤遠屆

宸眷維新而是編一出信如景星鳳皇先睹爭快者

抑吾師政事文章嘖嘖人口前在江南時游歷

諸郡轉運淮揚所至輒有聲烈暇則引諸後進講論德藝飲酒歌詩意酒如也一時從遊者踵相接

雅甫出塞集

三

多所陶成而甲顧未獲一登膺門以爲憾比者任灤州始得就謁于官廨乃大慰泰山北斗之思今泣承平惠政日以遠謳思日以深郡之人士無賢不肖皆額手稱慶曰生吾儕者惟盧使君拊循樂育以玉多士于成者惟盧使君而惟恐朝夕被

召借寇無由也然則吾師之所以宏長風流者寧

唯茲集是賴其文章政事堪繼兩文忠之餘烈正未有艾也夫門下晚學生陽羨湯先甲頓首拜識

